



TOSHKENT DAVLAT YURIDIK UNIVERSITETI REKTORINING B U Y R U G ' I

25.11.2024

841-tm-son

Talabaga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va ichki tartib qoidalarini buzish holatlari kuzatilmoqda.

Xususan, Jinoiy odil sudlov fakulteti 2-kurs talabasi Musurmonova Muslima Qaxxorjon qizi universitet 1-sonli talabalar turar joyida istqomat qilib kelib, 2024-yil 26-oktyabr kuni mazkur talabalar turar joyida istiqomat qiluvchi Jinoiy odil sudlov fakulteti 4-kurs talabasi Imomova Marjona Burxon qizi bilan o'zaro urushib qolib talaba M.Imomovani turli uyatsiz so'zlar bilan haqorat qilgan.

Talaba Musurmonova Muslima Qaxxorjon qizi o'zining xatti-harakatlari bilan TDYU Odob-axloq kodeksining 15-moddasi ikkinchi xatboshisi (o'z harakatlarini universitet manfaatlarini ko'zlab amalga oshirish, uning imidjini saqlash va oshirish, universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda o'zlarining namunali xulq-atvori bilan universitet haqida yuksak ijobiy taassurot uyg'otish), 17-moddasi birinchi qismi uchinchi xatboshisi (janjallashish), 18-moddasi birinchi qismi (talabalarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi), 26-moddasi ikkinchi qismi uchinchi xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilish) da ko'rsatib o'tilgan qoidalarini qo'pol ravishda buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-band va universitet rektorining 2023-yil 31-maydagi 81-son buyrug'i bilan tasdiqlangan Toshkent davlat yuridik universitetining Ichki tartib qoidalari 83-bandiga asosan hamda Jinoiy odil sudlov fakulteti dekan o'rinbosari D.Mamasobirovning bildirgisiga muvofiq,

BUYURAMAN:

1. Jinoiy odil sudlov fakulteti 2-kurs talabalari Musurmonova Muslima Qaxxorjon qiziga universitet Odob-axloq kodeksining 15-moddasi 2-xatboshisi, 17-moddasi 1-qismi, 3-xatboshisi, 18-moddasi 1-qismi, 26-moddasi 2-qismi 3-xatboshisi talablarini buzganligi uchun hayfsan e'lon qilinsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq bilan talabaning shaxsini sir saqlagan holda universitet talabalarini tanishtirsin.

3. Jinoiy odil sudlov fakulteti dekani (D.Kamalova):

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin;

mazkur talabaning shaxsiy hujjatlar yig'majildiga buyruq nusxasi tikilishini ta'minlasin.

4. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Dekan o‘rinbosari

D.MAMASOBIROV



Kelishildi:

Direktor

SH.PO‘LOTOV



Katta yuriskonsult

A.TURSUNOV

